



DEO OPTIMO MAX.

UNI ET TRINO,

VIRGINI DEI-PARÆ, ET S. LUCÆ
Orthodoxorum Medicorum Patrono.

QUÆSTIO MEDICO-CHIRURGICA;

QUOD LIBETARIIS DISPUTATIONIBUS
*manè discutienda in Scholis Medicorum, die Jovis undecimâ
mensis Martii, Anno Domini M. DCC. LVI.*

M. HONORATO PETIOT,
Doctore Medico, Præside.

Num bubones Critici in febribus malignis statim incidendi?

I.



IASMATA vitiosa vel in corpore nata, vel extus suscep-
ta & intra circulationis vias abrepta febribus humoralibus
originem præbent. Hæ eò periculosiores, quò illa diffi-
lius aut naturalibus humorum moleculis assimilari, aut per
varia colatoria foras amandari queunt. Idcirco febris
maligna tragœdias inferre solet. Etenim sævissimi mor-
bi causa est materia (a) multum sed inæqualiter spissa, particulas diversi

(a) D. Fizes.
tra& febriuna
cap. de febre
maligna.

A

generis nimirum alias acescentes, alias acres, alias acerrimas ac velut venenatas in sinu suo gerens. Hinc oriuntur symptomata eò graviora, quò alia aliis contraria medelas oppositas exigant. Quantumvis numerosa sint & atrocia febris malignæ symptomata, quantumvis composita sit illius causa, quotiescumque varias indicationes adimplere licet, & infarctus viscerum inflammatorius venæ-sectionibus ac demulcentibus ita cautè expugnatur, ut attendatur ne fibrarum tonus in eo morbo multùm debilitatus omninò frangatur, & fluidorum spissitudo cardiacis emendatur, & pravorum succorum in primis viis nidulantium emeticis ac catharticis evacuatio promovetur, sed eà cautelà quâ præcaveatur ne materiæ morbida molecula acres excandescant; toties morbi sævitium profligat ars apollinaris. Interdum ex medentibus non tantum requiritur opus, scilicet quando viscera vel remediis adjuta vel ex se ita robusta ut ad partes externas febrilem causam ablegent: tunc glandulae ut potè quæ debiliori textu donatæ infarciuntur, inflammantur; hinc bubones qui idèò critici nominantur quia iis obortis febris malignæ symptomata remittuntur. Verum licèt morbi causa in parte ignobili velut incuneata videatur, haud contemnenda. Etiam-num ex metastasi in procinctu sunt maxima mala, quæ ut avertantur eò dirigenda est Medici cura, ut teterrima labes è corpore citò citiùs educatur. Idcirco si nulla opera hunc finem maturiùs assequatur quàm bubonis incisio, hæc statim celebranda.

I I.

BUBONUM curationem duobus modis aggredi solemne est, nempe resolutione & suppuratione. Priorem medelam suscipiunt bubones essentielles; ii enim licèt producantur aut à cohibita secretionè aut à ictu, modò venæ-sectionibus è glandulis revellatur sanguis, ac solventibus topicis & humoribus concreti attenuentur & resocilletur vasorum tonus; fluida priùs stagnantia vel per cutis poros avolant, vel emendata & assimilata sanguinis vias absque noxâ iterum subeunt. Nec infelicitè resolvuntur bubones symptomatici, sic hydragirofi ritè administratâ haud infrequenter discutiantur bubones venerei; imò cum huic cesserunt, lueni syphiliticam radicitus fuisse extinctam pro certò habetur. Et ipsi bubones pestilentes qui, non secus ac alia dirissima symptomata concomitantia, sobolescent ab insigni corruptelâ sanguinis in suâ crasi perversi, à remediis sanguinis universam labem resarcientibus, non neglectis topicis, quandoquè resolvuntur. At verò bubonum criticorum in febribus malignis resolutionem tentare, grande piaculum credas. Vel non fiet resolutio & intereà conamine inani prorogabuntur ægrotantis cruciatus, vel quod pessimum venæ-sectionibus revellatur ad interiora fluidum exitiale, topicis ad viscera repercutientur miasmata venenosa, remediis internis ab opere salutari ammovebitur natura: hinc lypothimix, syncopes, comata, obscura deliria, tendinum subsultus, inflammationes viscerum gangrenodæ, mors. Verum valentissimo molimine juyetur natura quæ hostem insensissimum superare non potis, eum removet. Ociùs è corpore eximatur materia quæ illius ruinam machinatur. Non tutiori medelâ educuntur inemendabiles succi in glandulâ sævientes quàm ipsamet suppurante glandulâ, Quis ergò nescias eam suppurationem celerrimè esse promovendam,

GLANDULÆ cum vasculis lymphaticis pluribus inflexis potissimum consentur, paucioribus verò sanguineis intertextæ sint, lentè ad suppurationem ducuntur. Praterèa in bubonibus criticis plurima suppurationi obstant. Humor maximè spissus attritioni reluctatur; glandularum vasa priùs febre malignà debilitata jam infarctu obruta debiliùs oscillant; sanguis corruptus in anfractuofos glandulæ recessus debilitatos conamine naturæ pulsus intestino motu segniori donatur. Attamen unico opere suppuratorio tutè exterminari potest teterrima lues. Ideirò cum bubonum criticorum spontanea suppuratio non nisi ægerrimè peragi queat, potentissimà arte excitanda. At non alia encheiresis efficacius & tutius metam attinget quam glandulæ incisio. Hæc enim operatione profundetur sanguis sordidus qui, tanquam febris malignæ colluvies, stagnabat. Idèò imminutis in glandulâ resistentis novus sanguis jam expurgatus majori copiâ appellet, vasa sectione irritata validiùs oscillabunt. Quæ cum ita se habeant nemini non liquet suppurationem brevi futuram. Mox enim vasa secta in se retrahentur, & ab aliis pressa humorum effluxum negabunt; intereà vasa integra, eò magis turgescencia, quò nullus per secta meatus, validiùs oscillabunt. Hinc atterentur vasorum sectorum tunicæ unà cum fluidis contentis & per inflictum vulnus citò evomentur miasmata exitiosa.

I V.

QUANTI bubonum criticorum in febribus malignis valeat incisio; ex periculis ab eâ propulsatis pendatur. Periculum est ne cordis, & arteriarum vires à febre malignà labefactatæ impares sint ad glandulæ vasorum tonum ita frangendum, ut materia morbifica in his figatur, & idèò timendum ne ad organa præstantissima iterùm venefica illuvies abigatur. Supposito quòd glandula ita liquidorum impulsui cesserit, ut lymphatica omni tono fuerint orbata, vi systalticâ in sanguiferis permanente, hæc lapsu temporis se se expedient, illa verò unà cum contentis solidescant, indurabuntur; unde scirrhus canceri parens. Quantumvis deterrima sint ab induratione impendentia, ut pote quæ dissita maximum terrorem non incutiunt. At ostia pulsant gangrena & sphacelus; quippe cum sanguifera omnia jam turgida ita novo impulsui cedant ut summopere dilatata reagere nequeant; in his contenta tanquam in cloacâ putrescant. Aut licet sanguifera systalticas vires retinuerint, mox particulæ acerrimæ ac velut venenatæ omnia vasa corrodent, lacerabunt & vasorum lacinia unà cum fluidis extravasatis in putidam putrilaginem abibunt. Unde partis corruptio citò, totius necem illatura.

V.

ASSIGNATA bubonum criticorum in febribus malignis causâ, periculis urgentibus periculis quæ ab eorum incisione arcentur; quis dubitet hanc statim celebrandam? Huic autem operationi exequendæ se ac-

4
 tingens Chirurgus det operam ut *stemonis* ductus in parotidibus à sectione sint immunes, ut axillæ vasa & nervorum trunci à sectione bubonum in axillis non lædantur, ut incisio hanc directionem obtineat, quæ cicatrici successuræ non noceat. Idcirco parotides ope scalpelli recti profundè inciduntur juxta lineam perpendicularem ab auribus ad angulum maxillæ; in glandulis axillarum & inguinum sectio sit transversa, dein scarificetur glandula si imminens gangrenæ sit suspicio. Sectâ glandulâ, sanguine effuso, inferantur penicilli unguento basilicone, theriacâ & balsamo sulphuris theribintinato illiti. Demùm operiatur tumor iis quæ suppurationem protrahant. Hâc encheiresi citò, tutò terminabuntur bubones critici. Nobis incassum obijceres expectandam maturationem & juvandam topicis, ut dein collecto puri exitus lanceolæ ope præbeatur; cum jamjam probaverimus suppurationem spontaneam admodum incertam esse, sed è contra metastasim & gangrenam maximè imminere. Unde concludere licet,

Ergò bubones Critici in febribus malignis statim incidendi.

DOMINI DOCTORES DISPUTATURI.

M. Anna-Claudius Dorigny.

M. Carolus - Augustinus Vandermonde.

M. Franciscus-de-Paulâ Combalusier.

M. Hugo Capet, utriusque Pharmacia Professor.

M. Petrus-Antonius Lepgny.

M. Antonius de Jussieu; Regi à Consiliis & Secretis, Regiæque Scientiarum Academia, Regiarumque Societatum Angliæ & Prussiae Socius, Botanices in Horto Regio Professor ac demonstrator.

M. Petrus - Augustinus Ader.

M. Ludovicus-Joannes-Baptista Cosnier, Scholarum Professor designatus.

M. Joannes - Baptista-Thomas Martineng; Antiquus Facultatis Decanus

Proponebat Parisiis CLERIADUS VACHIER, Cluniacensis, Doctor Medicus Montpelienfis, necnon Saluberrimæ Facultatis Medicinæ Parisiensis Baccalaureus, Theses Auctor, A. R. S. H. 1756, A SEXTA AD MERIDIEM.